



PRESERVING YOUR FUTURE.

Leiw Kolleginnen an Kollegen Delegeierten, Kollegen aus dem Exekutiv, aus dem Comité d'Administration,
Leiw Memberen vun onser Amicale, Verrieder vun onser Mutuelle,
Verrieder vun der Presse,

Ech sin frou lech haut den Owend op onser Generalversammlung hei an den Gebailechkeeten vun der LALUX zu Leideleng kënnen ze begreifen. Ech soen vun hei aus der Direktioun vun der LALUX en ganz décken Merci, dass mir haut vun hiren Raimlechkeeten kënnen profiteieren.

Leiw Kolleginnen, Leiw Kollegen,

virun knapps 8 Meint, den 15. Oktober 2014, hutt dir enger neier Equipe aert Vertrauen geschenkt. Dir hudd Sie dobai ënnerstetzt, an mandateiert, fir d'Aleba nei ze positioneieren. Mir sin zanter hir onermittlech dobai ärem Optrach gerecht ze gin. Mais, ech muss zouginn, datt nach ettlech Hürden ze huelen sin an datt mir zesummen nach eng laang Streck matt villen Erausfuederungen virun ons hun. Mir sin um Wee vun der Ernéiereung. Ons vereelt Informatik get endlech den heitegen Ufuederungen ugepasst an virun allem hun mir e néie Logo an e néie Slogan. Preserving your future.

Dese Slogan dreckt kuerz a knapp aus, waat mir ons zum Ziel gesaat hun. Mais léiew Kolleginnen a Kollegen, dëst ass nëmmen matt ärer Hëllef ze ereechen. Dir sidd an aeren Betreiber eisen Porteparole, an kënnst un der Basis ons Philosophie verrieden, mais virun allem, ons de néidegen Feedback vun de Besoien vun onsen Memberen zereck gin.

D'Finanzkris ass bei weitem nach nëtt iwerstanen. Mir mierken et alleguer am Alldaag dobaussen um Terrain. Déi sellech Sozialpläng oder Betriebsvereinbarungen, sin nëmmen e puer vun den Symptomer.

Dei haart a laang Négociatiounen fir den Assurances Kollektivvertrag sin e Paradebeispill fir d'Interpretatioun vun den Chiffren saitens dem Patronat. Mir kennen quasi deiglech vun den deels excellenten Resultater aus dem Finanzsecteur an der Zeitung liesen. Wann et awer drems geet dem Personal, waat jo nett onweesentlech un desen Performancen bedeelegt ass, e Stéck vum Kuch oofzegin, héieren mir vun Patronatssait ganz aaner Klacken. Dofir müssen mir onsen Léit um Verhandlungsdesch Respekt entgéint brengen, fir hier consequent Bestriewungen, daat Beschtt fir d'Salarien auszehandlen.

Et ass nett, well mir nett omnipresent an der Press sin, datt mir nett intensiv mat onsen Leit un Léisungen schaffen. Mir konzentréieren ons Energie op daat Weesentlecht an nett op iwwerflësseg Commentairen an den diversen Medien. Stellungnahmen vun aneren, éventuell matt villen Emotiounen ze widderhuelen, brengt ons an iech nett weider. Ons ass et wichteg e Sujet détaillert a gewessenhaft ze recherchéieren an ze analyséieren befir mir ons dozou äusseren. De richtegen Zaitpunkt fir e Commentaire oofzewaarden ass de Schlessel zum Vertrauen vun de Salarien. Nemmen matt Professionalismus kennen mir hinnen d'Gefill vermettlen, datt mir un hirer Sait sin an sie ennerstetzen.

Ons Feierungséquipe ass an de Betreiber am dagdeeglechen Business involvéiert. Doduerch sin mir ganz no bei de Leit an hiren Problemer, mee, wann een de Journalisten Glaawen well schenken, fir d'Press nett esou ereechbar ewei sie sech daat wënschen. Mir loosen ons nett gär zu spontanen, oniwwerluechten Commentairen hireissen déi dann falsch interprétéiert gin.

Dei nächst Sozialwahlen stinn quasi virun der Dir. Bis 2018 müssen mir ons Positioun duerch ons Kompetenz, Präsenz an ons innovativ Ideen stärken. Daat kann ons nemmen matt ären onermittlechen Efforten um Terrain gelengen. D'Salariéen müssen wëssen, datt mir sie emmer ennerstezen an mir müssen, virun allem duerch iech an de Betreiber, fir sie erreechbar sin.

Et därf keng Distanz entstoen, well soss fillen d'Léit sech nett gudd encadréiert a verléieren d'Vetrauen.

Dofir, léif Kolleginnen an Kollegen, zeckt nett matt ons ze schwätzen an ons Virschléi ze machen, wéi mir nach méi effectiv um Terrain kenne schaffen.

Ons Mattarbechter hun emmer en oppend Ouer fir är Doléancen an réagéieren proactiv op är Demanden. Sie sin stark sollicitéiert. Komplex Ufroen, mussen matt vill Intelligenz an Sensibilitéit behandelt gin. Et ass evident, datt eng professionnel Approche vun den diversen Sujéeten och eng gewess Zait an Usprouch hëllt. Dofir géif ech iech bidden, hinnen ze vertrauen an nett direct ze verzweifelen, wann sie iech nett bannent 5 Minutten zereck geruff hun. Dir sollt awer och wëssen, datt delikat Affären och matt engem Member vum Comité exécutif oder dem comité d'administration beschwaat kenne gin. Nom relooking vun onsem Internet Site ass et matt engem Click méigelech ons Coordinnéen ze fannen an domat sin mir fir iech méi liicht erreechbar.

Ech well awer och onsen Verrieder vun der Mutuelle an der Amicale e ganz besonnesche Merci ausdrecken. Duerch hir wertvoll Kontakter sin sie och een vun de Piliere vun onser Associatioun. Hir Ennerstetzung ass onerlässelech och en vue vun de nächste Wahlen.

Mir leit awer och nach en aneren Punkt um Härz. Mir sin nach emmer e bessen eng Männerdomän an ech well dess Geleegeenheet notzen fir d'Dammen z'encouragéieren sech op gewerkschaftlech Niveau anzubringen. Ech wees ganz gudd, datt et fir sie oft méi schwéier ass ewéi fir ons Männer alles ennert een Hutt ze kréien, mee ech wees awer och, datt d'Dammen heefeg eng aaner Approche zu de Problemer hun ewéi mir. Dofir sin ech der Meenung, daat et fir ons Missioun wichteg an hellefraich ass, wann ons Délégatiounen aus enger gudder Meschung vun Fraen a Männer bestinn. Mir hun déi grouss Chance, schon e puer ganz engagéiert Dammen an onse Réien ze hun, an et ass mir wichteg, datt sie wëssen ewei wertvoll hir Arbecht um Terrain ass.

Léif Kolleginnen a Kollegen, elo hun ech awer erem méi lang geschwaat, wéi dir et secher wollt, mee ech hun missen vun dëser Geleegeenheet profitéieren fir iech ons Valeuren an Iwwerzeegungen matt op de Wee ze gin.

Villmols Merci fir är Opmierksamkeet. Merci nach eng Keier un d'Direktioun an d'Delegatioun vun der LALUX, dass mer haut kënne hei sin. Merci.